



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 01-04-27823-42/20
Sarajevo, 14.10.2020. godine

SKUPŠTINA KANTONA SARAJEVO
- o v d j e -
n/r Predsjedavajući Skupštine KS
Dr. Mirza Čelik

PREDMET: Zastupničko pitanje – zastupnica Neira Dizdarević

Ministarstvu prostornog uređenja, građenja i zaštite okoliša KS dostavili ste zastupničko pitanje zastupnice Neire Dizdarević postavljeno na 27. Radnoj sjednici Skupštine Kantona Sarajevo, održanoj dana 28.07.2020. godine, u okviru tačke Dnevnog reda “Poslanička pitanja, inicijative i odgovori”, radi postupanja po istoj.

Zastupničko pitanje glasi:

“ Molim da mi dostavite Prezentaciju osnovne koncepcije Urbanističkog plana urbanog područja Sarajevo i to elektronske dokumente sa prezentacije koja se održala 13.07.2020. godine, ili da istu prezentaciju na idućoj radnoj sjednici predstavite zastupnicima Skupštine Kantona Sarajevo. Također molim da istu prezentaciju putem medija naročito Televizije Sarajevo, zvanične web stranice, putem FB profila Vlade Kantona Sarajevo predstavite i građanima.

Zastupnica Neira Dizdarević istovremeno je uputila zastupničko pitanje Zavodu za planiranje razvoja Kantona Sarajevo i Ministarstvu prostornog uređenja, građenja i zaštite okoliša KS.

Zavod za planiranje je kao nosilac izrade Urbanističkog plana urbanog područja Sarajevo dao odgovor na zastupničko pitanje u aktu br. 03-19-3142/20 od 04.08.2020. godine.

Ministarstvo prostornog uređenja, građenja i zaštite okoliša Kantona Sarajevo je tretiralo predmetno zastupničko pitanje u okviru svoje nadležnosti, a u skladu sa odredbama Zakona o prostornom uređenju Kantona Sarajevo („Službene novine Kantona Sarajevo“, broj 7/05).

S tim u vezi ističemo sljedeće:

Prezentaciju radnog materijala osnovne koncepcije Urbanističkog plana urbanog područja Sarajevo, dana 13.07.2020. godine, izvršio je Zavod za planiranje razvoja Kantona Sarajevo, za



Ministarstvo prostornog uređenje, građenja i zaštite okoliša KS u cilju upoznavanja Ministarstva sa radnim materijalom koji je bio u izradi, a isti je rezultat svih do sada provedenih aktivnosti.

Nadalje, dana 22.09.2020. godine Zavod je Ministarstvu dostavio Prostornu osnovu („Postojeće stanje, Analiza i ocjena mogućnosti daljeg razvoja i Opći i posebni ciljevi“ i „Osnovna koncepcija urbanog uređenja“) Urbanističkog plana za urbano područje Sarajevo na dalje postupanje.

Međutim do usvajanja Osnovne koncepcije od strane Vlade Kantona Sarajevo, potrebno je predmetni materijal u skladu sa odredbama člana 6. stav 2. tačka a) po brojem 4. Odluke o pristupanju izradi Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) („Službene novine Kantona Sarajevo“, broj 48/16) dostaviti jedinicama lokalne samouprave (šest općina koje se nalaze u prostornom obuhvatu predmetne planske dokumentacije), Gradskoj upravi Grada Sarajeva, kao i Ministarstvima na upoznavanje i eventualno pribavljanje stavova i mišljenja ovih organa ukoliko ih na to obavezuje zakon.

Ministarstvo je mišljenja da nakon što Vlada Kantona usvoji Osnovnu koncepciju nema smetnji da se izvrši i prezentacija iste, na način kako to predlaže zastupnica Neira Dizdarević.

S poštovanjem,



Dostaviti:

- Naslovu
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

